

## The Passion Gospels

**Евангелие 1-е от Иоанна, завета Святых Страстей, (зачало 46-58,1):**  
[Ин. 13:31-18:1]

Речé Господь Своим учеником: ныне прославися Сын Человеческий, и Бог прославися о Нем. Аще Бог прославися о Нем, и Бог прославит Его в Себе, и абие прославит Его. Чадца, ещё с вами мало есмь: взыщете Мене, и якоже рех иудеем, яко аможе Аз идю, вы не можете приити, и вам глаголю ныне. Заповедь новую даю вам, да любите друг друга: якоже возлюбих вы, да и вы любите себе. О сем разумют вси, яко Мои ученицы есте, аще любовь имате между собою. Глагола Ему Симон Петр: Господи, камо идеши? отвеща ему Иисус: аможе Аз идю, не можеш ныне по Мне ити, последи же по Мне идеши. Глагола Ему Петр: Господи, почто не могу ныне по Тебе ити? Ныне душу мою за Тя положу. Отвеща ему Иисус: душу ли твою за Мя положиши? Аминь аминь глаголю тебе: не возгласит алектор, дондеже отвержешися Мене трици. Да не смущается сердце ваше: веруйте в Бога, и в Мя веруйте. В дому Отца Моего обители многи суть: аще ли же ни, рекл бых вам: идю уготовати место вам. И аще уготовлю место вам, паки приидю, и поиму вы к Себе: да идеже есмь Аз, и вы будете. И аможе Аз идю, весте, и путь весте. Глагола ему Фомá: Господи, не вемы, камо идеши? и како можем путь ведети? Глагола ему Иисус: Аз есмь Путь и Истина, и Живот: никтоже приидет ко Отцу, токмо Мною. Аще Мя бысте знали, и Отца Моего знали бысте убо: и отселе познасте Его и видесте Его. Глагола Ему Фи-липп: Господи, покажи нам Отца и довлет нам. Глагола ему Иисус: толико время с вами есмь, и не познал еси Мене, Филиппе! Видевый Мене, виде Отца: и како ты глаголеши, покажи нам Отца? Не веруеши ли, яко Аз во Отце, и Отец во Мне есть? Глаголы, яже Аз глаголю вам, о Себе не глаголю: Отец же во Мне пребываяй, Той творит дела. Веруйте Мне, яко Аз во Отце

и Отец во Мне: аще ли же ни, за та дела веру имите Ми. Аминь аминь глаголю вам: веруй в Мя, дела, яже Аз творю, и той сотворит, и больша сих сотворит, яко Аз ко Отцу Моему гряду. И еже аще что просите от Отца о имени Моём, то сотворю: да прославится Отец в Сыне. И аще чего просите во имя Моё, Аз сотворю. Аще любите Мя, заповеди Моя соблюдайте. И Аз умолю Отца, и иного Утешителя даст вам, да будет с вами в век: Дух истины, Егоже мир не может прияти, яко не видит Его, ниже знает Его: вы же знаете Его, яко в вас пребывает и в вас будет. Не оставлю вас сиры, прииду к вам. Ещё мало, и мир ктому не видит Мене, вы же видите Мя: яко Аз живу, и вы живи будете. В той день разумеете вы, яко Аз во Отце Моём, и вы во Мне, и Аз в вас.

Имеяй заповеди Моя и соблюдаяй их, той есть любяй Мя, а любяй Мя, возлюблен будет Отцем Моим, и Аз возлюблю его, и явлюся ему Сам. Глагола Ему Иуда не Искариотский: Господи, и что бысть, яко нам хощеши явитися, а не миру? Отвеща Иисус, и рече ему: аще кто любит Мя, слово Моё соблюдет: и Отец Мой возлюбит его, и к нему приидема, и обитель у него сотворима. Не любяй Мя, словес Моих не соблюдает: и слово, еже слышасте, несть Моё, но пославшаго Мя Отца. Сия глаголах вам, в вас сый. Утешитель же Дух Святыи, Егоже пошлет Отец во имя Моё, Той вы научит всему, и вспоманет вам вся, яже рех вам. Мир оставляю вам, мир Мой даю вам: не якоже мир даёт, Аз даю вам.

Да не смущается сердце ваше, ни устрашает. Слышасте, яко Аз рех вам: иду и прииду к вам. Аще бысте любили Мя, возрадовалися бысте убо, яко рех, иду ко Отцу: яко Отец Мой болии Мене есть. И ныне рех вам, прежде даже не будет, да егда будет, веру имете. Ктому не много глаголю с вами: грядет бо сего мира князь, и во Мне не имать ничесоже. Но да разумеет мир, яко люблю Отца, и якоже заповеда Мне Отец, тако творю: востаните, идем отсюда.

Аз есмь Лоза истинная, и Отец Мой делатель есть. Всяку розгу о Мне не творящую плода, измет ю: и всяку творящую плод

отребѣит ю, да множайший плод принесет. Уже вы чисти есте за слово, еже глаголах вам. Будите во Мне, и Аз в вас: якоже розга не может плода сотворити о себе, аще не будет на лозе, тако и вы, аще во Мне не пребудете. Аз есмь Лоза, вы же рождие: и иже будет во Мне, и Аз в нем, той сотворит плод мног: яко без Мене не можете творити ничесоже. Аще кто во Мне не пребудет, извержется вон якоже розга, и иссышет и собирают ю, и во огонь влагают, и сгарает. Аще пребудете во Мне, и глаголы Мои в вас пребудут: емуже аще хощете просите, и будет вам. О сем прославися Отец Мой, да плод мног сотворите, и будете Мои ученицы.

Якоже возлюбил Мя Отец, и Аз возлюбил вас, будите в любви Моей. Аще заповеди Моя соблюдете, пребудете в любви Моей: якоже Аз заповеди Отца Моего соблюдох, и пребываю в Его любви. Сия глаголах вам, да радость Моя в вас будет, и радость ваша исполнится. Сия есть заповедь Моя, да любите друг друга, якоже возлюбил вы. Больше сея любви никтоже имеет, да кто душу свою положит за други своя. Вы друзи Мои есте, аще творите, елика Аз заповедаю вам. Не ктому вас глаголю рабы, яко раб не вест, что творит господь его: вас же рекох друзи, яко вся, яже слышах от Отца Моего, сказах вам. Не вы Мене избрасте, но Аз избрах вас, и положих: да вы идете, и плод принесете, и плод ваш пребудет: да егоже аще просите от Отца во имя Моё, даст вам.

Си заповедаю вам, да любите друг друга. Аще мир вас ненавидит, ведите, яко Мене прежде вас возненавиде. Аще от мира бысте были, мир убо своё любил бы: якоже от мира несте, но Аз избрах вы от мира, сего ради ненавидит вас мир.

Поминайте слово, еже Аз рех вам: несть раб болий господа своего. Аще Мене изгнаша, и вас изженут: аще слово Моё соблюдоша, и ваше соблюдут. Но сия вся творят вам за имя Моё, яко не ведят Пославшаго Мя. Аще не бых пришёл, и глаголал им, греха не быша имели: ныне же вины не имут о гресе своём. Ненавидяй Мене, и Отца Моего ненавидит. Аще дел не бых сотворил в них, ихже ин никтоже сотвори, греха не

бѣша имѣли: ныне же и видеша, и возненавидеша Мене и Отца Моего. Но да сбудется слово писанное в законе их: яко возненавидеша Мя туне. Егда же придет Утешитель, Егоже Аз послю вам от Отца, Дух истины, Иже от Отца исходит, Той свидѣтельствуует о Мне. И вы же свидѣствуете, яко искони со Мною есте.

Сия глаголах вам, да не соблазнитесь. От сонмищ ижденут вы. Но придет час, да всяк, иже убиет вы, мнится службу приносити Богу. И сия сотворят, яко не познаша Отца, ни Мене. Но сия глаголах вам, да егда придет час, поминайте се, яко Аз рех вам: сих же вам исперва не рех, яко с вами бех. Ныне же иду к Пославшему Мя, и никтоже от вас вопрошает Мене: камо идеши? Но яко сия глаголах вам, скорби исполних сердца ваша. Но Аз истину вам глаголю: уне есть вам, да Аз иду. Аще бо не иду Аз, Утешитель не придет к вам: аще ли же иду, послю Его к вам. И пришед Он, обличит мир о гресе, и о правде, и о суде. О гресе убо, яко не веруют в Мя. О правде же, яко ко Отцу Моему иду, и ктому не видите Мене. О суде же, яко князь мира сего осужден бысть. Еще много имам глаголати вам, но не можете носити ныне. Егда же придет Он, Дух истины, наставит вы на всяку истину. Не о Себе бо глаголати имать, но елика аще услышит, глаголати имать, и грядущая возвестит вам. Он Мя прославит, яко от Моего примет, и возвестит вам. Вся, елика имать Отец, Моя суть: сего ради рех, яко от Моего примет, и возвестит вам. Вмале, и ктому не видите Мене, и паки вмале, и узрите Мя, яко иду ко Отцу. Реша же от ученик Его к себе: что есть сие, еже глаголет нам: вмале, и не видите Мене, и паки вмале, и узрите Мя? и яко Аз иду ко Отцу? Глаголаху убо, ЧТО сие есть еже глаголет: вмале? Не вемы, что глаголет. Разуме же Иисус, яко хотяху Его вопрошати, и рече им: о сем ли стязаетесь между собою, яко рех: вмале, и не видите Мене? и паки вмале, и узрите Мя? Аминь аминь глаголю вам, яко восплачетесь и возрыдаете вы, а мир возрадуется: вы же печальни будете, но печаль ваша в радость будет. Жена, егда раждает, скорбь имать, яко прииде год ея: егда же родит отроча,

ктому́ не по́мнит ско́рби за ра́дость, я́ко роди́ся челове́к в мир. И вы же печа́ль има́те у́бо ны́не: па́ки же узрю́ вы, и возра́дуется се́рдце ва́ше, и ра́дости ва́шея никто́же во́змет от вас: И в той день Мене́ не вопро́сите ни́чесо́же.

Ами́нь ами́нь глаго́лю вам: я́ко ели́ка а́ще че́со про́сите от Отца́ во и́мя Моё, даст вам. Доселе́ не проси́сте ни́чесо́же во и́мя Моё. Проси́те, и прии́мите, да ра́дость ва́ша испо́лнена бу́дет. Сия́ в притча́х глаго́лах вам: но прии́дет час, егда́ ктому́ в притча́х не глаго́лю вам, но я́ве о Отце́ возвещу́ вам. В той день во и́мя Моё вопро́сите: и не глаго́лю вам, я́ко Аз умо́лю Отца́ о вас. Сам бо Оте́ц лю́бит вы, я́ко вы Мене́ возлю́бите, и ве́ровасте, я́ко Аз от Бо́га изыдо́х. Изыдо́х от Отца́, и приидо́х в мир: и па́ки оста́вляю мир, и иду́ ко Отцу́. Глаго́лаша Ему́ ученицы́ Его́: се ны́не не обину́яся глаго́леши, а притчи́ никоея́же не глаго́леши. Ны́не ве́мы, я́ко ве́си вся, и не тре́буеши, да кто Тя вопроша́ет: о сем ве́руем, я́ко от Бо́га изше́л еси́. Отвеща́ им Иису́с: ны́не ли ве́руете? Се гряде́т час, и ны́не прииде́, да разы́дется ко́ждо во своя́, и Мене́ еди́наго оста́вите: и несмы́ еди́н, я́ко Оте́ц со Мно́ю е́сть. Сия́ глаго́лах вам, да во Мне мир има́те. В ми́ре ско́рбни бу́дете: но дерза́йте, я́ко Аз победи́х мир.

Сия́ глаго́ла Иису́с, и возведе́ очи́ Свои́ на не́бо, и рече́: О́тче, прииде́ час, просла́ви Сы́на Твоего́, да и Сын Твой просла́вит Тя. Я́коже дал еси́ Ему́ вла́сть вся́кия плоти́, да вся́ко е́же дал еси́ Ему́, даст им живо́т ве́чный. Се же е́сть живо́т ве́чный, да зна́ют Тебе́ еди́наго и́стиннаго Бо́га, и Его́же посла́л еси́ Иису́с Христа́. Аз просла́вих Тя на землі́, де́ло соверши́х, е́же дал еси́ Мне да со-творю́. И ны́не просла́ви Мя Ты, О́тче, у Тебе́ Самаго́ славою́, ю́же имех́ у Тебе́ пре́жде мир не бы́сть. Яви́х и́мя Твое́ челове́ком, их́же дал еси́ Мне от ми́ра: Твои́ бе́ша, и Мне их дал еси́, и сло́во Твое́ сохра́ниша. Ны́не разуме́ша, я́ко вся, ели́ка дал еси́ Мне, от Тебе́ су́ть. Я́ко глаго́лы, их́же дал еси́ Мне, дах им: и ти́и прия́ша, и разуме́ша вои́стинну, я́ко от Тебе́ изыдо́х, и ве́рова́ша, я́ко Ты Мя посла́. Аз о сих мо́лю: не о всем ми́ре мо́лю, но о тех, их́же дал еси́ Мне, я́ко Твои́ су́ть. И Моя́ вся, Тво́я су́ть и Тво́я Моя́: и просла́вихся в них. И ктому́ несмы́ в

міре, и сїи в міре суть, и аз к Тебѣ грядѹ. О́тче Святы́й, соблюди́ их во імя Твоѣ, іхже дал еси́ Мне, да бѹдут едіно я́коже и Мы. Егда́ бех с нїми в міре, Аз соблюда́х их во імя Твоѣ, іхже дал еси́ Мне, сохрани́х, и никто́же от них погібе, то́кмо сын погібельный, да сбѹдется Писа́ние. Ны́не же к Тебѣ грядѹ, и сїя глаго́лю в міре, да імут ра́дость Мою́ испол́нену в себѣ. Аз дах им сло́во Твоѣ, и мир возненави́де их, я́ко не сѹть от міра, я́коже и Аз от міра несмь. Не молю́, да во́змеши их от міра, но да соблюде́ши их от неприязни. От міра не суть, я́коже и Аз от міра несмь. Святи́ их во істину Твою́: сло́во Твоѣ істина есть.

Я́коже Мене́ послал еси́ в мир, и Аз посла́х іх в мир. И за них Аз свящѹ Себѣ, да и тїи бѹдут свяще́ни во істину. Не о сих же молю́ то́кмо, но и о ве́рующих словесе́ их ра́ди в Мя. Да вси едіно суть, я́коже Ты, О́тче, во Мне, и Аз в Тебѣ, да и тїи в нас едіно бѹдут: да и мир ве́ру імет, я́ко Ты Мя послал еси́. И Аз сла́ву, ю́же дал еси́ Мне, дах им: да бѹдут едіно, я́коже Мы едіно есма́. Аз в них, и Ты во Мне, да бѹдут сверше́ни во едіно, и да разумѣет мир, я́ко Ты Мя посла́, и возлюбїл еси́ их, я́коже Мене́ возлюбїл еси́. О́тче, іхже дал еси́ Мне, хощѹ, да иде́же есмь Аз, и тїи бѹ-дут со Мною́, да ви́дят сла́ву Мою́, ю́же дал еси́ Мне, я́ко возлюбїл Мя еси́ прѣжде сложе́ния міра. О́тче Пра́ведный, и мир Тебѣ не позна́, Аз же Тя позна́х, и сїи позна́ша, я́ко Ты Мя посла́. И сказа́х им імя Твоѣ, и скажѹ: да любви́, е́юже Мя еси́ возлюбїл, в них бѹдет, и Аз в них.

И сїя рек Иисѹс, изы́де со ученики́ Своїми на он пол пото́ка Ке́дрска, иде́же бе вертогра́д, в о́ньже вни́де Сам и ученицы́ Его́.

### **Евангелие 2-е Святых Страстей от Иоанна, зачало 58: [Ин. 18:1-28]**

Во вре́мя о́но, изы́де Иисѹс со ученики́ Своїми на он пол пото́ка Ке́дрска, иде́же бе вертогра́д, во́ньже вни́де Сам и ученицы́ Его́. Ве́дяше же Иу́да преда́й Его́ ме́сто: я́ко мно́жицею собира́шеся Иисѹс ту со ученики́ Своїми. Иу́да же приѣм спи́ру, и от архиере́й и фарисе́й слуги́, при́иде та́мо со свети́лы и свеща́ми и

оружии. Иисус же ведый вся грядущая Нань, изшед рече им: кого ищите? Отвещаша Ему: Иисуса Назорея. Глагола им Иисус: Аз есмь. Стояше же и Иуда, иже предаеше Его, с ними. Да якоже рече им, Аз есмь, идоша вспять, и падоша на земли. Паки же вопроси их Иисус: кого ищите? они же реша: Иисуса Назорея. Отвещая Иисус: рех вам, яко Аз есмь. Аще убо Мене ищите, оставите сих ити. Да сбудется слово, еже рече: яко ихже дал еси Мне, не погубих от них никогже. Симон же Петр, имый нож, извече его и удари архиереова раба, и уреза ему ухо десное: бе же имя рабу Малх. Рече же Иисус Петрови: вонзи нож в ножницу. Чашу юже даст Мне Отец, не имам ли пити ея? Спира же и тысячник, и слуги иудейския яша Иисуса, и связаша Его. И ведоша Его ко Анне первее: бе бо тесть Каиафе, иже бе архиерей лету тому. Бе же Каиафа давый совет иудеям, яко уне есть единому человеку умерети за люди. По Иисусе же идяше Симон Петр, и другий ученик: ученик же той бе знаемь архиереву, и вниде со Иисусом во двор архиереев. Петр же стояше при дверех вне. Изыде убо ученик той, иже бе знаемь архиереву, и рече двернице, и введе Петра. Глагола же раба дверница Петрови: еда и ты ученик еси Человека Сего? Глагола он: несмь. Стояху же раби и слуги огонь сотворше, яко зима бе, и гряхуся, бе же с ними Петр стоя и грехся. Архиерей же вопроси Иисуса о ученицех Его, и о учении Его. Отвещая ему Иисус: Аз не обинуяся глаголах миру: Аз всегда учах на сонмищих, и в церкви, идеже всегда иудее снемлются: и тай не глаголах ничесоже. Что Мя вопрошаеши? Вопроси слышавших, что глаголах им: се сии ведят, яже рех Аз. Сия же рекшу Ему, един от предстоящих слуг удари в ланиту Иисуса, рек: тако ли отвечаеши архиереву? Отвещая ему Иисус: аще зле глаголах, свидетельствуй о зле: аще ли добре, что Мя биеши? Посла же Его Анна связана к Каиафе архиереву. Бе же Симон Петр стоя и грехся. Реша же ему: еда и ты от ученик Его еси? Он же отвержеся, и рече: несмь. Глагола един от раб архиереев, южика сый, емуже Петр уреза ухо: не аз ли тя видех в вертограде с Ним? Паки убо Петр отвержеся, и абие петел возгласи.

Ведоша же Иисуса от Каиафы в претор, бе же утро: и тии не внидоша в претор, да не осквернятся, но да ядят пасху.

### **Евангелие 3-е Святых Страстей от Матфея, зачало 109: [Мф. 26:57-75]**

Во время оно, воины емше Иисуса ведоша к Каиафе архиереови, идеже книжницы и старцы собрашася. Петр же идяше по Нем издалеча, до двора архиереова: и вшед внутрь, седяше со слугами, видети кончину. Архиерее же и старцы, и сонм весь искаху лжесвидетельства на Иисуса, яко да убийот Его. И не обретаху: и многим лжесвидетелем приступльшим, не обретоша. Послежде же приступиша два лжесвидетеля, реста: Сей рече: могу разорити церковь Божию, и тремя деньми создати ю. И востав архиерей рече Ему: ничесоже ли отвечаеши, что сии на Тя свидетельствуют? Иисус же молчаше. И отвечав архиерей рече Ему: заклинаю Тя Богом Живым, да речеши нам, аще Ты еси Христос Сын Божий? Глагола ему Иисус: ты рече. Обаче глаголю вам: отселе узрите Сына Человеческаго седяща одесную силы, и грядуща на облацех небесных. Тогда архиерей растерза ризы своя, глаголя: яко хулу глагола, что еще требуем свидетелей? Се ныне слышасте хулу Его. Что ся вам мнит? Они же отвечавше реша: повинен есть смерти. Тогда заплеваша лице Его, и пакости Ему деяху, обвин же за ланиту удариша, глаголюще: прорцы нам, Христэ: кто есть ударей Тя? Петр же вне седяше во дворе, и приступи к нему едина рабыня, глаголющи: и ты бе со Иисусом Галилейским. Он же отвержеся пред всеми, глаголя: не вем что глаголеши. Изшедшу же ему ко вратом, узре его другая, и глагола им ту: и сей бе со Иисусом Назореем. И паки отвержеся с клятвою, яко не знаю Человека. По мале же приступивше стоящи, реша Петрови: воистинну и ты от них еси, ибо беседа твоя яве тя творит. Тогда начат ротитися и клятися, яко не знаю Человека. И абие петел возгласи. И помяну Петр глагол Иисусов, реченный ему, яко прежде даже петел не возгласит, трикраты отвержешися Мене: и изшед вон, плакася горько.



**Евангелие 4-е Святых Страстей, от Иоанна, зачало 59-60.  
[Ин. 18:28-19:16]**

Во время оно, ведоша Иисуса от Каиафы в претор: бе же утро: и тии не внидоша в претор, да не осквернятся, но да ядят пасху. Изыде же Пилат к ним вон, и рече: кую речь приносите на Человека Сего? Отвещаша и реша ему: аще не бы был Сей злодей, не быхом предали Его тебе. Рече же им Пилат: поимите Его вы, и по закону вашему судите Ему. Реша же ему иудее: нам не достоит убить никогже. Да слово Иисусово сбудется, еже рече, назнаменуя, кою смертию хотяше умерети. Вниде же паки Пилат в претор, и гласи Иисуса, и рече Ему: Ты ли еси Царь Иудейск? Отвещаша ему Иисус: о себе ли ты сие глаголеши, или инии тебе рекоша о Мне? Отвещаша Пилат: еда аз жидовин есмь? Род Твой и архиерее предаша Тя мне, что еси сотворил? Отвещаша Иисус: Царство Мое несть от мира сего. Аще от мира сего было бы Царство Мое, слуги Мои убо подвижались быша, да не предан бых был иудеем: ныне же Царство Моё несть отсюда. Рече же ему Пилат: убо Царь ли еси Ты? Отвещаша Иисус: ты глаголеши, яко Царь есмь Аз. Аз на сие родихся, и на сие приидох в мир, да свидетельствую истину, и всяк, иже есть от истины, послушает гласа Моего. Глагола ему Пилат: что есть истина? И сие рек, паки изыде ко иудеем, и глагола им: аз ни единыя вины обретаю в Нем. Есть же обычай вам, да единого вам отпущу на Пасху: хощете ли убо, да отпущу вам Царя Иудейска? Возопиша же паки вси, глаголюще: не Сего, но Варавву: бе же Варавва разбойник.

Тогда убо Пилат поят Иисуса, и би Его. И воины сплетше венец от терния, возложиша Ему на главу, и в ризу багряну облекоша Его, и глаголаху: радуйся, Царю Иудейский! И бияху Его по ланитома. Изыде же паки вон Пилат, и глагола им: се извожу Его вам вон, да разумеете, яко в Нем ни единыя вины обретаю. Изыде же вон Иисус, нося терновен венец и багряну ризу. И глагола им: Се Человек. Егда же видеша Его архиерее и слуги, возопиша глаголюще: распни, распни Его. Глагола им Пилат:

поимите Его вы, и распните, аз бо не обретаю в Нем вины. Отвещаша ему иудее: мы закон имаем, и по закону нашему должен есть умереть, яко Себе Сына Божия сотвори. Егда же слыша Пилат сие слово, паче убоясь. И вниде в претор паки, и глагола Иисусови: откуда еси Ты? Иисус же ответа не даде ему. Глагола же ему Пилат: мне ли не глаголеши? Не веши ли, яко власть имам распяти Тя, и власть имам пустити Тя? Отвещая Иисус: не имамши власти ни единыя на Мне, аще не бы ти дано свыше: сего ради предавый Мя тебе болий грех имать. От сего искаше Пилат пустити Его. Иудее же вопияху, глаголюще: аще сего пустиши, неси друг кесарев. Всяк, иже царя себе творяй, противится кесарю. Пилат же, слышав сие слово, изведе вон Иисуса, и сяде на судищи, на месте глаголемем Лифостротон, еврейски же Гаввафа. Бе же пятък Пасце, час же яко шестый: и глагола иудеем: Се Царь ваш. Они же вопияху: возми возми, распни Его. Глагола им Пилат: Царя ли вашего распну? Отвещаша архиерее: не имамы царя, токмо кесаря. Тогда же предаде Его им, да распнется.

### **5 -е Евангелие Святых Страстей (зач. 111):**

Во время оно, видев Иуда предавый Иисуса, яко осудивша Его, раскаявися возврати тридесать серебряники архиереем и старцем, глаголя: согреших, предав кровь неповинную. Они же реша: что есть нам? Ты узриши. И поверг серебряники в церкви, отиде, и шед удавися. Архиерее же приемше серебряники, реша: недостойно есть вложити их в корвану: понеже цена крове есть. Совет же сотворше, купиша ими село скудельниче, в погребание странным. Темже наречеса село то, Село Крове, до сего дне. Тогда сбытсся реченное Иеремием пророком глаголющим: и прияша тридесать серебряник цену Цененнаго, Егоже ценивша от сынов Израилев: И даша я на селю скудельничи, якоже сказа мне Господь. Иисус же ста пред игемоном, и вопроси Его игефон, глаголя: Ты ли еси Царь Иудейский? Иисус же рече ему: ты глаголеши. И егда Нань глаголаху архиерее и старцы, ничесоже отвечающе. Тогда глагола ему Пилат: не слышиши ли, колико

на Тя свидѣтельствуют? И не отвещá емú ни к единому глаго́лу: яко дивѣтися игéмону зело́. На всяк же прáздник обы́чай бе игéмону отпу́щати еди́наго наро́ду связня, егóже хотя́ху. Имя́ху же тогда́ связа́на наро́чита, глаго́лемаго Варáвву. Со́бранным же им, рече́ им Пилáт: когó хóщете от обою́ отпу́щú вам, Варáвву ли, или́ Иисúса глаго́лемаго Христá? Вѣдяше бо, яко зависти ра́ди преда́ша Егó. Седя́щу же емú на суди́щи, посла́ к нему́ жена́ егó, глаго́лющи: ничтóже тебе́, и Пра́веднику Тому́: мно́го бо пострада́х днесь во сне Егó ра́ди. Архиере́е же и ста́рцы наусти́ша наро́ды, да испро́сят Варáвву, Иисúса же погубя́т. Отвещáв же игéмон рече́ им: когó хóщете от обою́ отпу́щú вам? Онѣ́ же рѣша: Варáвву. Глаго́ла им Пилáт: что́ убо сотворю́ Иисúсу, глаго́лемому Христу́? Глаго́лаша емú вси: да ра́спят бу́дет. Игéмон же рече́: ко́е убо зло сотвори́? онѣ́ же и́злиха вопия́ху, глаго́люще: да про́пят бу́дет. Ви́дев же Пилáт, яко ничтóже успева́ет, но па́че молва́ бывáет, прие́м во́ду, умы́ ру́це пред наро́дом, глаго́ля: непови́нен есмь от кро́ве Пра́веднаго сегó, вы́ узрите. И отвещáвше вси лю́дие рѣша: кровь Егó на нас и на ча́дех на́ших. Тогда́ отпусти́ им Варáвву: Иисúса же бив, предаде́ им, да Егó про́пнут.

Тогда́ во́ини игéмоновы прие́мше Иисúса на суди́ще, собра́ша Нань все мно́жество во́ин. И совлѣ́кше Егó, оде́яша Егó хламíдою червлéною. И сплѣ́тше венѣц от те́рния, возложи́ша на главú Егó, и трóсть в десни́цу Егó: и поклóньшеся на колéну пред Ним, ругáхуся Емú, глаго́люще: раду́йся, Царю́ Иудейский. И плю́нувше Нань, прия́ша трóсть, и бия́ху по главé Егó. И егда́ поругáшася Емú, совлекóша с Негó багряни́цу, и облекóша Егó в рíзы Егó: и ведóша Егó на пропáтие. Исходя́ще же обрето́ша челове́ка кири́нейска, и́менем Сíмона: и семú задéша понести́ Крест Егó.

### **6-е Евангелие Святых Страстей (зач. 67):**

Во вре́мя о́но, во́ини ведóша Иисúса внутрь двора́, е́же есть претóр, и созва́ша всю спи́ру. И облекóша Егó в препря́ду, и возложи́ша на Негó сплѣ́тше терно́в венѣц. И нача́ша целова́ти

Его́ (и глаго́лати): ра́дуйся, Царю́ Иуде́йский. И бия́ху Его́ по главѣ трóстию, и плюва́ху на Него́: и прегибáюще колéна поклоня́хуся Ему́. И егда́ поругáшася Ему́, совлекóша с Него́ препря́ду, и облекóша Его́ в рíзы Своя́: и изведóша Его́, да про́пнут Его́. И задéша мимоходя́щу нéкому Сíмону Кирине́ю, грядúщу с селá, отцú Алекса́ндрову и Ру́фову, да вóзмет Крест Его́.

И приведóша Его́ на Голго́фу мéсто, éже есть сказа́емо, Лóбное мéсто. И дая́ху Ему́ пíti есмирнисмéно вино́, Он же не при́ят. И распéншии Его́, разделíша рíзы Его́, метáюще жрѣбий о них, кто что вóзмет. Бе же час трéтий, и распя́ша Его́. И бе написáние вины́ Его́ написано: Царь Иуде́йск. И с Ним распя́ша два разбо́йника: едíнаго одесну́ю, и едíнаго ошу́юю Его́. И сбýтся Писáние, éже глаго́лет: и со беззакóнными вменíся. И мимоходя́щии ху́ляху Его́, покива́юще глава́ми сво́ими, и глаго́люще: уá, разоря́яй цѣрковь, и тремí дéньми созида́яй: спасíся Сам, и снíди с Креста́. Та́коже и архиере́е ругáющеся, друг ко дру́гу с кни́жники, глаго́лаху: ины́ спасé, Себе́ ли не мóжет спасти́? Христóс Царь Изра́илев да снíдет ны́не с Креста́, да вíдим, и véру имéм Ему́.

### **7 -е Евангелие Святых Страстей (зач. 113):**

Во вре́мя óно, пришéдше во́ини на мéсто нарица́емое Голго́фа, éже есть Кра́ниевое мéсто, да́ша Иисúсу пíti óцет с жѣлчию смѣшен: и вкушь, не хотя́ше пíti. Распéншии же Его́ разделíша рíзы Его́, ве́ргше жрѣбия: и сядя́ще стрежа́ху Его́ ту. И возложíша верхú главы́ Его́ вино́ Его́ написану: Сей есть Иисúс Царь Иуде́йский. Тогда́ распя́ша с Ним два разбо́йника, едíнаго одесну́ю и едíнаго ошу́юю. Мнмоходя́щии же ху́ляху Его́, покива́юще глава́ми сво́ими. И глаго́люще: разоря́яй цѣрковь, и тремí дéньми созида́яй, спасíся Сам: áще Сын есí Бóжий, снíди со Креста́. Та́кожде же и архиере́е, ругáющеся с кни́жники и ста́рцы и фарисе́и, глаго́лаху: ины́я спасé, Себе́ ли не мóжет спасти́? Áще Царь Изра́илев есть, да снíдет ны́не со Креста́, и véруем в Него́. Уповá на Бóга: да изба́вит ны́не Его́,

аще хощет Ему: рече бо, яко Божий есмь Сын. Тожде же и разбойника распятая с Ним поношаста Ему. От шестого же часа тьма бысть по всей земли до часа девятого. О девятом же часе возопи Иисус гласом велиим, глаголя: Или, ИЛИ, лимá савахфани? Еже есть Боже Мой, Боже Мой, вскую Мя еси оставил? Нещии же от ту стоящих слышавше, глаголаху: яко Илию глашает Сей. И абие тек един от них, и прием губу, исполнив же оцта, и вонзе на трость, напаяше Его. Прочии же глаголаху: остави, да видим, аще приидет Илиа спасти Его. Иисус же паки возопив гласом велиим, испусти дух. И се завеса церковная раздрася на две, с верхняго края до нижняго: и земля потрясся, и камене распадся. И гроби отверзюшася, и многа телеса усопших святых восташа. И изшедше из гроб по воскресении Его, внидоша во святыи град, и явися мнозем. Сотник же и иже с ним стрегущии Иисуса, видевше трус и бывшая, убояшася зело, глаголюще: воистинну Божий Сын бе Сей.

### **8-е Евангелие Святых Страстей (зач. 111):**

Во время оно, ведяху со Иисусом и ина два злодея, с Ним убити. И егда приидоша на место нарицаемое Лобное, ту распяша Его, и злодея, оваго убо одесную, а другого ошуюю. Иисус же глаголаше: Отче, отпусти им, не введут бо, что творят. Разделяюще же ризы Его, метяху жребия. И стояху людие зряще. Ругахуся же, и князи с ними, глаголюще: инья спасе, да спасет и Себе, аще Той есть Христос Божий избранный. Ругахуся же Ему и воины, приступающе, и оцет придеюще Ему. И глаголаху: аще Ты еси Царь Иудейск, спасися Сам. Бе же и написание написано над Ним писменны еллинскими, и римскими, и еврейскими: Сей есть Царь Иудейск. Един же от обещеною злодею хуляше Его, глаголя: аще Ты еси Христос, спаси Себе и наю. Отвещав же другой, прещаше ему, глаголя: ни ли ты боишия Бога, яко в томже осужден еси? И мы убо в правду, достойная бо по делом наю восприемлева: Сей же ни единого зла сотвори. И глаголаше Иисусови: помяни мя,

Господи, егда приидеши во Царствии Си. И рече ему Иисус: аминь глаголю тебе, днесь со Мною будеши в рай. Бе же час яко шестый, и тма бысть по всей земли до часа девятого. И померче солнце, и завеса церковная раздрася посреде. И возглась гласом велиим Иисус, рече: Отче, в руке Твоей предаю дух Мой: и сия рек, издше. Видев же сотник бывшее, прослави Бога, глаголя: воистинну Человек Сей праведен бе. И вси пришедши народи на позор сей, видяще бывающая, бияще перси своя, возвращахуся. Стояху же вси знаемии Его издалеча, и жены споследствовавшия Ему от Галилеи, зряще сих.

### **9-е Евангелие Святых Страстей (зач. 61):**

Во время оно, стояху при Кресте Иисусове Мати Его, и сестра Матере Его, Марія Клеопова, и Марія Магдалина. Иисус же видев Матерь, и ученика стояща, егоже любляше, глагола Матери Своей: Жено, се сын Твой. Потом же глагола ученику: Се Мати твоя. И от того часа поят Ю ученик во свояси. Посем ведый Иисус, яко вся уже совершишася, да сбудется Писание, глагола: жажду. Сосуд же стояше полн оцта: они же исполнише губу оцта, и на трость вонзше, придеша ко устому Его. Егда же прият оцет Иисус, рече: совершишася. И преклонь главу, предаде дух. Иудее же, понеже пятък бе, да не останут на кресте телеса в субботу: бе бо велик день той субботы, молиша Пилата, да пребиют голени их, и возмут. Приидоша же воини, и первому убо пребиша голени, и другому распятому с ним. На Иисуса же пришедше, яко видеша Его уже умерша, не пребиша Ему голений. Но един от воин копием ребра Ему прободе, и абие изыде кровь и вода. И видевый свидетельствова, и истинно есть свидетельство его: и той весть, яко истину глаголет, да вы веру имете. Быша бо сия, да сбудется Писание: кость не сокрушится от Него. И паки другое Писание глаголет: воззрят Нань, Егоже прободоша.

### **10-е Евангелие Святых Страстей (зач. 69):**

Во время оно, прииде Иосиф, иже от Аримафея благообразен

совѣтник, ѿже и той бе чая Царствія Божія, дерзнувъ внѣде к Пилату, и проси́ тело Иисусово. Пилат же дивіся, аще уже́ умре: и призвѣвъ сотника, вопроси́ его: аще уже́ умре? И увѣдевъ от сотника, даде́ тело Иосифови. И купивъ плащаницу, и снемъ Его, обвѣт плащаницею, и положи́ Его во гроб, ѿже бе изсечеи от камене: и привали́ камень над двѣри гроба. Марія же Магдаліна, и Марія Иосіева зрясте, где Его полагаху.

### **11-е Евангелие Святых Страстей (зач. 62):**

Во время оно, моли́ Пилата Иосиф, ѿже от Аримафея, сый ученик Иисусов, потаенъ же страха ради иудейска, да возметъ тело Иисусово: и повеле́ Пилат. Прииде же и взятъ тело Иисусово. Прииде же и Никодимъ, пришедый ко Иисусови нощию прежде, нося́ смешение смиренно и алойно, яко литр сто. Прияста же тело Иисусово, и обвѣста е ризами со ароматы, якоже обычай есть иудеем погребати. Бе же на месте, идеже распятся, верт, и в верте гроб нов, в немже николіже никтоже положенъ бе. Ту убо пятка ради иудейска, яко близъ быше гроб, положи́ста Иисуса.

### **12-е Евангелие Святых Страстей (зач. 114):**

Во утрий день, ѿже есть по пятце, собращася архиерее и фарисее к Пилату, глаголюще: господи, помянухом, яко льстецъ Он рече еще сый жив: по триехъ днехъ востану. Повели́ убо утвердѣти гроб до третяго дне, да не како пришедше ученицы́ Его нощию украдутъ Его, и рекутъ людем: воста́ от мертвых. И будетъ послѣдняя леть горша первыя. Рече же им Пилат: имате кустодію, идите, утвердѣте якоже вѣсте. Они́ же шедше утверди́ша гроб, знаменовавше камень с кустодіею.

### **Час 1й: Евангелие (зач. 110-113):**

Во время оно, утру бывшу, советъ сотвори́ша вси архиерее и старцы людстии на Иисуса, яко убѣти Его. И связавше Его ведоша, и предаша Его Понтийскому Пилату игемону. Тогда́ видевъ Иуда предавыйъ Его, яко осуди́ша Его, раскаявша возврати́ тридесять сребреники архиереемъ и старцемъ, глаголя:

согреших, предав кровь неповинную. Они же решают: что есть нам? ты узриши. И поверг серебряники в церкви, отиде, и шед удавися. Архиереи же приемше серебряники, решают: недостойно есть вложить их в корвану, понеже цена крове есть. Совет же сотворше, купят ими село скудельниче, в погребание странным. Темже наречется село то, Село Крове, до сего дне. Тогда сбытся реченное Иеремием пророком глаголющим: и купят тридцать серебряник, цену Цененнаго, Егже ценят от сынов Израилев: И даша я на селе скудельничи, якоже сказа мне Господь. Иисус же ста пред игемоном, и вопроси Ег игемон, глаголя: Ты ли еси Царь Иудейский? Иисус же рече ему: ты глаголеши. И егда Нань глаголаху архиереи и старцы, ничесоже отвещавше. Тогда глагола Ему Пилат: не слышиши ли, колико на Тя свидетельствуют? И не отвещая ему ни к единому глаголу, яко дивитися игемону зело. На всяк же праздник обычай бе игемону отпущати единого народу связня, егже хотяху. Имяху же тогда связана нарочита, глаголемаго Варавву. Собранным же им, рече им Пилат: кого хотите от обою отпущу вам, Варавву ли, или Иисуса глаголемаго Христа? Ведяше бо, яко зависти ради предаша Ег. Сядящу же ему на судищи, посла к нему жена ег, глаголющи: ничтоже тебе, и Праведнику Тому: много бо пострадах днесь во сне Ег ради. Архиереи же и старцы наустят народы, да испросят Варавву, Иисуса же погубят. Отвещав же игемон рече им: кого хотите от обою отпущу вам? Они же решают: Варавву. Глагола им Пилат: что убо сотворю Иисусу, глаголемому Христу? Глаголаша ему вси: да распят будет. Игемон же рече: кое убо зло сотвори? Они же излиха вопияху, глаголюще: да пропят будет. Видев же Пилат, яко ничтоже успеваает, но паче молва бываает, прием воду, умы рuce пред народом, глаголя: неповинен есмь от крове Праведнаго сего, вы узрите. И отвещавше вси людие решают: кровь Ег на нас и на чадех наших. Тогда отпусти им Варавву: Иисуса же бив, предаде им, да Ег пропнут. Тогда воины игемоновы приемше Иисуса на судище, собраша Нань все множество воин. И совлекше Ег, одеяша Ег



хламидою червлёною. И сплётше венёц от тёрния, возложиша на главú Егó, и трость в десни́цу Егó, и поклóньшеся на колéну пред Ним, ругáхуся Емú, глагóлюще: рáдуйся Царю́ Иудéйский. И плю́нувше Нань, прия́ша трость, и бия́ху по главé Егó. И егда́ поругáшася Емú, совлекóша с Негó багряни́цу, и облекóша Егó в ризы Егó: и ведóша Егó на пропýтие. Исходя́ще же обретóша челове́ка кирине́йска, и́менем Сима́на: и семú задéша понести́ Крест Егó.

И пришéдше на мéсто нарица́емое Голгóфа, éже есть глагóлемо Кра́ниевó мéсто, да́ша Емú пíti óцет с жéлчию смéшен: и вкушь не хотя́ше пíti. Распéншии же Егó раздели́ша рíзы Егó, вéргше жрéбия: и седя́ще стрежа́ху Егó ту. И возложи́ша верхú главы́ Егó винú Егó напи́сану: Сей есть Иисúс Царь Иудéйский. Тогда́ распя́ша с Ним два разбóйника: еди́наго одесну́ю и еди́наго ошу́ю. Мимоходя́щии же ху́ляху Егó, покива́юще глава́ми свои́ми. И глагóлюще: разоря́й це́рковь, и тремí дéньми созида́й, спаси́ся Сам: áще Сын еси́ Бóжий, сни́ди со Креста́. Та́кожде же и архиере́е, руга́ющеся с кни́жники и ста́рцы и фарисе́и, глагóлаху: ины́я спасé, Себе́ ли не мо́жет спасти́? Áще Царь Изра́илев есть, да снiдет ны́не со Креста́, и véруем в Негó. Упова́ на Бóга: да изба́вит ны́не Егó, áще хо́щет Емú: рече́ бо, я́ко Бóжий есмь Сын. То́жде же и разбóйника распя́тая с Ним поноша́ста Емú. От шеста́го же часа́ тьма бысть по всей землí до часа́ девя́таго. О девя́том же часé возопи́ Иисúс гла́сом véлиим, глагóля: Или́, Или́, лимá савахфанí? Еже есть Бóже Мой, Бóже Мой, вску́ю Мя еси́ оста́вил? Не́ции же от ту стоя́щих слы́шавше, глагóлаху: я́ко Илию́ глаша́ет Сей. И áбие тек еди́н от них, и приéм гýбу, испóлнив же óцта, и вонзé на трость, напая́ше Егó. Прóчии же глагóлаху: оста́ви, да ви́дим, áще при́дет Илиа́ спасти́ Егó. Иисúс же па́ки возопiв гла́сом véлиим, испустí дух. И се завéса церкóвная раздрáся на двóе, с в́шняяго кра́я до ни́жняго: и земля́ потрясе́ся, и ка́мение распадéся. И грóби отверзóшася, и мно́га телеса́ усóпших святы́х воста́ша. И изше́дше из гроб по воскресéнии Егó, внидо́ша во святы́й град, и яви́шася мно́зем. Со́тник же и iже с

ним стрегущии Иисуса, видевше трус и бывшая, убоясья зело, глаголюще: воистинну Божий Сын бе Сей. Бяху же ту и жены многи издалеча зряще, иже идоша по Иисусе от Галилеи, служаще Ему. В нихже бе Марія Магдалина, и Марія Иаковля, и Иосии матери, и матери сыну Зеведеову.

### **Час 3й: Евангелие (зач. 66, 67 и 68 в ряд):**

Во время оно, совет сотвориша архиереи со старцы и книжники, и весь сонм, связавше Иисуса ведоша, и предаша Его Пилату. И вопроси Его Пилат: Ты ли еси Царь Иудейский? Он же отвещав рече ему: ты глаголеши. И глаголаху на Него архиереи много. Пилат же паки вопроси Его, глаголя: не отвещаваеши ли ничтоже? виждь колико на Тя свидетельствуют. Иисус же ктому ничтоже отвещая, яко дивитися Пилату. На всяк же праздник отпускаше им единого связня, егже прошаху. Бе же нарицаемый Варавва, со сквники своими связан, иже во кове убийство сотвориша. И возопив народ, нача просити, якоже всегда творяше им. Пилат же отвещая им, глаголя: хощете ли пуцу вам Царя Иудейска? Ведяше бо, яко зависти ради предаша Его архиереи. Архиереи же помануша народу, да паче Варавву пустит им. Пилат же отвещав паки рече им: что убо хощете сотворю, егже глаголете Царя Иудейска? Они же паки возопиша, глаголюще: пропни Его. Пилат же глаголаше им: что бо зло сотвори? Они же излиха вопияху: пропни Его. Пилат же хотя народу хотение сотворити, пусти им Варавву: и предаде Иисуса бив, да пропнут Его. Воини же ведоша Его внутрь двора, еже есть претор, и созваша всю спору. И облекоша Его в препяду, и возложиша на Него сплетше тернов венец. И начаша целовати Его (и глаголати): радуйся, Царю Иудейский. И бияху Его по главе тростию, и плюваху на Него: и прегибаяюще колена поклоняхуся Ему. И егда поругашася Ему, совлекоша с Него препяду, и облекоша Его в ризы Своя, и изведоша Его, да пропнут Его. И задеша мимоходящу некоему Симону Кириною, грядущу с села, отцу Александрову и Руфову, да возмет Крест Его. И приведоша Его на Голгофу, место, еже сказаемо Лобное

мѣсто. И даѣху Емѹ пѣти есмирнисмѣно вино. Он же не прѣят. И распѣншии Егѹ разделѣша рѣзы Егѹ, метѣюще жрѣбий о них, кто что вѹзмет. Бе же час трѣтий, и распѣша Егѹ. И бе написѣние вннѣ Егѹ написано: Царь Иудѣйск. И с Ним распѣша два разбѹйника, едѣнаго одеснѹю и едѣнаго ошѹюю Егѹ. И сбѣтсѣ Писѣние, ѣже глагѹлет: и со беззакѹнными вменѣся. И мимоходѣющи хѹляху Егѹ, покивѣюще главѣми своѣми, и глагѹюще: уѣ, разорѣяй цѣрковь, и тремѣ дѣньми созидѣяй, спасѣся Сам, и снѣди с Крестѣ. Тѣкоже и архиерѣе ругѣющесѣ, друг ко дрѹгу с кнѣжники, глагѹлаху: ѣны спасѣ, Себѣ ли не мѹжет спасѣти? Христѹс Царь Изрѣилев да снѣдет нѣне с Крестѣ, да вѣдим, и вѣру ѣмем Емѹ. И распѣтая с Ним поношѣста Емѹ. Бѣвшу же часѹ шестѹму, тѣма бысть по всей землѣ до часѣ девѣятаго. И в час девѣтый возопѣ Иисѹс глагѹсом вѣлиим, глагѹля: Елоѣ, Елоѣ, лимѣ савахфанѣ? Ёже есть сказѣемо: Бѹже Мой, Бѹже Мой, почтѹ Мѣ оставил есѣ? И нѣции от предстоѣщих слѣшавше, глагѹлаху: се Илиѹ гласѣт. Тек же едѣн и напѹлнѣв гѹбу ѹцта, и возлѹжь на трость, напоѣше Егѹ, глагѹля: оставѣте, да вѣдим ѣще прѣидет Илиѣ снѣти Егѹ. Иисѹс же пушѣ глас вѣлий, ѣздше. И завѣса цѣркѹвная раздрѣся на двѹе, свѣше до нѣзу. Вѣдев же сѹтник стояѣ прѣмо Емѹ, ѣко тѣко возопѣв ѣздше, речѣ: воѣстинну Человѣк Сей Сын бе Бѹжий. Бѣху же и женѣ издалѣча зрѣще, в нѣхже бе Марѣя Магдалѣна, и Марѣя Иѣкова мѣлаго, и Иосѣи мѣти, и Саломѣя: ѣже, и егдѣ бе в Галилѣи, хождѣху по Нем, и служѣху Емѹ, и ѣны мнѹгия, ѣже взыдѹша с Ним во Иерусалѣм.

### **Час бѣй: Евангелие (зач. 111):**

Во врѣмя ѹно, ведѣху со Иисѹсом и ѣна два злодѣя, с Ним убѣти. И егдѣ прѣидѹша на мѣсто нарицѣемое Лѹбное, ту распѣша Егѹ, и злодѣя, ѹваго ѹбо одеснѹю, а другѣго ошѹюю. Иисѹс же глагѹлаше: ѹтче, отпусти им, не вѣдят бо, что творѣт. Раздѣляюще же рѣзы Егѹ, метѣху жрѣбия. И стояху лѹдие зрѣще. Ругѣхусѣ же и кнѣзи с нѣми, глагѹюще: инѣя спасѣ, да спасѣт и Себѣ, ѣще Той есть Христѹс Бѹжий избранный.

Ругахуся же Ему и воины, приступающе, и оцет придеюще Ему, и глаголаху: аще Ты еси Царь Иудейск, спасися Сам. Бе же и написание написано над Ним письмены еллинскими, и римскими, и еврейскими: Сей есть Царь Иудейск. Един же от обещеною злодею хуляше Его, глаголя: аще Ты еси Христос, спаси Себе и наю. Отвещав же другой, прещаше ему, глаголя: ни ли ты бойшися Бога, яко в томже осужден еси? И мы убо в правду, достойная бо по делом наю восприемлева: Сей же ни единого зла сотвори. И глаголаше Иисусови: помяни мя, Господи, егда приидеши во Царствии Си. И рече ему Иисус: аминь глаголю тебе, днесь со Мною будеши в рай. Бе же час яко шестый, и тма бысть по всей земли до часа девятого. И померче солнце, и завеса церковная раздрася посреде. И возглась гласом велиим Иисус, рече: Отче, в руке Твоей предаю дух Мой: и сия рек иждше. Видев же сотник бывшее, прослави Бога, глаголя: воистинну Человек Сей праведен бе. И вси пришедши народи на позор сей, видяще бывающая, биюще перси своя, возвращахуся. Стояху же вси знаемии Его издалеча, и жены споследствовавшия Ему от Галилеи, зряще сих.

### **Час 9й: Евангелие (зач. 59, 60 и 61):**

Во время оно, ведоша Иисуса от Каиафы в претор, бе же утро: и тии не внидоша в претор, да не осквернятся, но да ядят пасху. Изыде же Пилат к ним вон, и рече: кую речь приносите на Человека Сего? Отвещаша и реша ему: аще не бы был Сей злодей, не быхом предали Его тебе. Рече же им Пилат: поимите Его вы, и по закону вашему судите Ему. Реша же ему иудее: нам не достоит убить никогже: да слово Иисусово сбудется, еже рече, назнаменуя коею смертию хотяше умерети. Вниде же паки Пилат в претор, и гласи Иисуса, и рече Ему: Ты ли еси Царь Иудейск? Отвещав ему Иисус: о себе ли ты сие глаголеши или инии тебе рекоша о Мне? Отвещав Пилат: еда аз жидовин есмь? Род Твой и архиерее предаша Тя мне, что еси сотворил? Отвещав Иисус: Царство Моё несть от мира сего. Аще от мира сего было бы Царство Моё, слуги Мои убо подвизалися быша, да не

прѣдан бых был иудеем: ныне же Царство Моё несть отсюду. Рече же Ему Пилат: убо Царь ли еси Ты? Отвещая Иисус: ты глаголеши, яко Царь есмь Аз. Аз на сие родихся, и на сие приидох в мир, да свидетельствую истину. И всяк иже есть от истины, послушает гласа Моего. Глагола Ему Пилат: что есть истина? и сие рек, паки изыде ко иудеем, и глагола им: аз ни единыя вины обретаю в Нем. Есть же обычай вам, да единого вам отпущу на Пасху: хощете ли убо, да отпущу вам Царя Иудейска? Возопиша же паки вси, глаголюще: не Сего, но Варавву, бе же Варавва разбойник. Тогда убо Пилат поят Иисуса, и би Его. И воины сплётше венец от терния, возложиша Ему на главу, и в ризу багряну облекоша Его. И глаголаху: радуйся Царю Иудейский! И бияху Его по ланитома. Изыде же паки вон Пилат, и глагола им: се извожу Его вам вон, да разумёете, яко в Нем ни единыя вины обретаю. Изыде же вон Иисус, нося терновен венец и багряну ризу. И глагола им: Се Человек. Егда же видеша Его архиерее и слуги, возопиша глаголюще:

Распни, распни Его. Глагола им Пилат: поимите Его вы, и распните, аз бо не обретаю в Нем вины. Отвещаша ему иудее: мы закон имамы, и по закону нашему должен есть умерети, яко Себе Сына Божия сотвори. Егда же слыша Пилат сие слово, паче убояся. И вниде в претор паки, и глагола Иисусови: откуда еси Ты? Иисус же ответа не даде ему. Глагола же Ему Пилат: мне ли не глаголеши? не веси ли, яко власть имам распяти Тя, и власть имам пустити Тя? Отвещая Иисус: не имаша власти ни единыя на Мне, аще не бы ти дано свыше: сего ради предавый Мя тебе болий грех имать. От сего искаше Пилат пустити Его. Иудее же вопияху, глаголюще: аще Сего пустиши, неси друг кесарев. Всяк, иже царя себе творяй, противится кесарю. Пилат же, слышав сие слово, изведе вон Иисуса, и седе на судищи, на месте глаголемем Лифостротон, еврейски же Гаввафа. Бе же пятък Пасце, час же яко шестый, и глагола иудеем: Се Царь ваш. Они же вопияху: возми, возми, распни Его. Глагола им Пилат: Царя ли вашего распну? Отвещаша архиерее: не имамы царя,

то́кмо кéсаря. Тогда́ же предаде́ Его́ им, да рáспнется. Поёмше же Иисúса, и ведóша. И нося́ Крест Свой, изы́де в глаго́лемое Лóбное мéсто, éже глаго́лется еврейски́ Голго́фа. Идэ́же пропя́ша Его́, и с Ним íна два сýду и сýду, посреде́ же Иисúса. Написа́ же и тítла Пилáт, и положи́ на Кресте́. Бе же написа́но: Иисúс Назоря́нин Царь Иуде́йский. Сего́ же тítла мно́зи что́ша от иуде́й, я́ко близ бе мéсто гра́да, идэ́же пропя́ша Иисúса. И бе написа́но еврейски́, грéчески, рíмски. Глаго́лаху же Пилáту архиере́е иуде́йстии: не пиши́, Царь Иуде́йский, но я́ко Сам рече́: Царь есмь Иуде́йский. Отвещá Пилáт: еже писа́х, писа́х. Во́ини же егда́ пропя́ша Иисúса, прия́ша рíзы Его́, и сотвори́ша четы́ри ча́сти, коему́ждо во́ину часть, и хитóн. Бе же хитóн не швеи, свы́ше исткáн весь. Рéша же к себе́: не преде́рем его́, но мéтнем жрэ́бия о нем, кому́ бýдет? да сбýдется Писáние глаго́лющее: раздели́ша рíзы Моя́ себе́, и о имати́сме Моéй метáша жрэ́бия. Во́ини же úбо сия́ сотвори́ша.

Стоя́ху же при Кресте́ Иисúсове Ма́ти Его́, и сестра́ Ма́тере Его́, Мари́я Клео́пова, и Мари́я Магдали́на. Иисúс же ви́дев Ма́терь и учени́ка стоя́ща, его́же любля́ше, глаго́ла Ма́тери Своéй: Жéно, се сын Тво́й. Потóм же глаго́ла учени́ку: Се Ма́ти тво́я. И от того́ часа́ поят Ю́ учени́к во своя́си. Посéм ве́дый Иисúс, я́ко вся уже́ соверши́шася, да сбýдется Писáние, глаго́ла: жа́жду. Сосúд же стоя́ше полн о́цта: о́ни же испо́лнивше гýбу о́цта, и на трость вóнзше, придéша ко усто́м Его́. Егда́ же прия́т о́цет Иисúс, рече́: соверши́шася. И прекло́нь главу́, предаде́ дух. Иуде́е же, понéже пятóк бе, да не оста́нут на кресте́ телеса́ в суббо́ту: бе бо вели́к день то́я суббо́ты, моли́ша Пилáта, да преби́ют го́лени их, и вóзмут. Приидóша же во́ини, и пёрвому́ úбо преби́ша го́лени, и друго́му распя́тому с Ним. На Иисúса же пришéдше, я́ко ви́деша Его́ уже́ умéрша, не преби́ша Ему́ го́лений. Но еди́н от во́ин копи́ем рёбра́ Ему́ прободé, и áбие изы́де кровь и вода́. И ви́девый свидéтельствова, и íстинно есть свидéтельство его́: и той весть, я́ко íстину глаго́лет, да вы ве́ру íмете. Бы́ша бо сия́, да сбýдется Писáние: кость не сокруши́тся от Него́. И па́ки друго́е Писáние глаго́лет: воззря́т Нань, Его́же прободóша.

